



Broj: 01-182/13
Vareš, 20.06. 2013. godine

Na osnovu člana 111. Poslovnika Skupštine Zeničko-dobojskog kantona-Novi prečišćeni tekst („Službene novine Zeničko-dobojskog kantona“, broj: 07/12) i člana 107. Poslovnika o radu Općinskog vijeća Vareš -Prečišćeni tekst, broj: 01-109/09 od 29.04.2009. godine i broj: 01-16/12 od 30.01.2012. godine, Općinsko vijeće Vareš razmatralo je Prijedlog Inicijative za izmjenu Prostornog plana Zeničko-dobojskog kantona (2009.-2029.), („Službene novine Zeničko-dobojskog kantona“, broj 4/09 i 5/10), Općinskog načelnika broj: 02-640/13 od 06.06.2013. godine, na 9. sjednici održanoj dana 20.06. godine, te donijelo sljedeći:

Z A K L J U Č A K

1. Općinsko vijeće Vareš pokreće Inicijativu za izmjenu Prostornog plana Zeničko-dobojskog kantona (2009.-2029.), („Službene novine Zeničko-dobojskog kantona“, broj 4/09 i 5/10), i to:

„U Tekstualnom dijelu tačka 2. Projekcija prostornog razvoja u dijelu 2.9.2. Planirana elektroenergetska infrastruktura u tabeli Potencijalne hidroelektrane na vodotocima II kategorije dopune sljedeći lokaliteti na području općine Vareš:

1. MHE "Vareš" – vodotok r. Stavnja- snaga 1,100 MW
2. MHE "Kula" – vodotok r. Stavnja – snaga 0,578 MW
3. MHE "Hodžići" – vodotok r. Stavnja - snaga 0,500 MW
4. MHE "Tribija" – vodotok r. Tribija – snaga 0,840 MW
5. MHE "Ušće" – vodotok r. Tribija – snaga 0,405 MW
6. MHE " Očevija" – vodotok r. Očevija – snaga 0.750 MW
7. MHE "Duboštica" – vodotok r. Duboštica – snaga 0,750 MW“

Izmjene u tekstualnom dijelu usaglasiti sa grafičkim prikazima koji sadrže podatke o predmetnim lokalitetima.

O b r a z l o ž e n j e

Pravni osnov

Pravni osnov za pokretanje inicijative sadržan je u članu 111. i članu 112. Poslovnika Skupštine Zeničko-dobojskog kantona („Službene novine Zeničko-dobojskog kantona“ broj 04/05 i 3/09).

Odredbom člana 111. Poslovnika Skupštine Zeničko-dobojskog kantona propisano je sljedeće: „Inicijativu za donošenje zakona može pokrenuti svaki poslanik Skupštine, radno tijelo Skupštine, Vlada, ministarstva i ostali kantonalni organi, kantonalna javna preduzeća i

druga pravna lica, općinska vijeća, kao i građani i njihova udruženja. Inicijativa se podnosi u pisanoj formi sa obrazloženjem. Inicijativa za donošenje zakona dostavlja se predsjedavajućem.“

Članom 112. naznačenog Poslovnika regulisano je „Inicijativu za donošenje zakona Predsjedavajući dostavlja Zakonodavno-pravnoj komisiji i Vladi kantona dužni su se izjasniti po inicijativi za donošenje zakona u roku od 30 dana. Po pribavljenim mišljenjima Zakonodavno-pravne komisije i Vlade, Skupština na sjednici donosi zaključak kojim se inicijativa odbija ili se prihvata i određuje na način pripreme i nosioci izrade nacrtu zakona. Bilo da inicijativu odbije ili prihvati, Skupština će svoj zaključak dostaviti podnosiocu inicijative“.

Razlozi podnošenja inicijative

Općina Vareš raspolaže sa hidroenergetskim potencijalom – vodotocima na kojima je moguće izgraditi MHE i iskoristiti postojeći vodopotencijal kao obnovljivi izvor energije. Međutim, prema Prostornom planu Zeničko-dobojskog kantona (2009.-2029.) i Prostornim planom općine Vareš (2000.-2015.) nije predviđena izgradnja MHE na području naše općine.

U posljednje vrijeme se iskazuje sve veći interes za izgradnjom MHE na području Općine Vareš podnošenjem samoinicijativnih zahtjeva prema Ministarstvu poljoprivrede, šumarstva i vodoprivrede od kojih je za jednu već donesena Odluka o dodjeli koncesije i u toku je postupak izdavanja urbanističke saglasnosti.

Kako bi izgradnja objekata bila usklađena sa važećom prostorno- planskom dokumentacijom potrebno je dopune i izmjene prvo izvršiti u Prostornom planu Zeničko-dobojskog kantona a potom izmjene i dopune ugraditi u Prostorni plan općine.

Vodotoci na kojima postoji interes za izgradnjom MHE i koji bi trebali biti uvršteni u tabelu "Potencijalne hidroelektrane na vodotocima II kategorije" su sljedeći:

- 1 MHE "Vareš" – vodotok r. Stavnja- snaga 1,100 MW
2. MHE "Kula" – vodotok r. Stavnja – snaga 0,578 MW
3. MHE "Hodžići" – vodotok r. Stavnja .- snaga 0,500 MW
4. MHE "Tribija" – vodotok r. Tribija – snaga 0,840 MW
- 5 .MHE "Ušće" – vodotok r. Tribija – snaga 0,405 MW
6. MHE " Očevija" – vodotok r. Očevija – snaga 0.750 MW
7. MHE "Duboštica" – vodotok r. Duboštica – snaga 0,750 MW“

Imajući u vidu naprijed izneseno, Općinsko vijeće Vareš upućuje Inicijativu za izmjenu Prostornog plana Zeničko-dobojskog katona (2009.-2029) („Službene novine Zeničko-dobojskog kantona“ broj 04/09 i 5/010), predsjedavajućem Skupštine Zeničko-dobojskog kantona u nadležnost i daljnju proceduru.

**PREDSJEDAVAJUĆI
OPĆINSKOG VIJEĆA**

Zdravko Marošević